



**ТРАНСПОРТ ВОСИТАЛАРИ ЁРДАМИДА СОДИР
ЭТИЛАЁТГАН ТЕРРОРЧИЛИК ҲАРАКАТЛАРИ ВА
ҚАРШИ КУРАШИШ МАСАЛАЛАРИ**

Рахимов Мухаммадсодиқ Давронжон ўғли

*Ўзбекистон Республикаси ИИВ Академияси Олий ўқув юртидан кейинги таълим
факультети таянч докторантура мустақил изланувчиси*

АННОТАЦИЯ: Мақолада АҚШ, Буюк-Британия, Испания, Исроил, Германия, Франция, Швеция каби айнан транспорт воситаларидан фойдаланиб содир этилаётган терактлар нисбатан оммалашган айрим хориж мамлакатларида, транспорт терроризмини олдини олишда кўрилаётган норматив-ҳуқуқий ва ташкилий йўналишдаги чора-тадбирлар синчковлик билан ўрганилган, ушбу таҳдидни олдини олишда ижобий натижа бераётган манзилли тадбирлар таҳлил қилинган.

Калит сўзлар: транспорт терроризми, Европол, стратегия, зўрлик ишлатадиган экстремизм, “RAND” корпорацияси, Contest, декоратив тўсиқлар, Кентаврлар.

АННОТАЦИЯ: В статье подробно изучены правовые и организационные меры, принимаемые для предотвращения транспортного терроризма в некоторых зарубежных странах, где относительно популярны террористические акты с использованием транспортных средств, таких как США, Великобритания, Испания, Израиль, Германия, Франция, Швеция. Анализируются адресные мероприятия, дающие положительные результаты в профилактике.

Ключевые слова: транспортный терроризм, Европол, стратегия, насильственный экстремизм, корпорация «RAND», конкурс, декоративные барьеры, Кентавры.

ANNOTATION: The article examines in detail the legal and organizational measures taken to prevent transport terrorism in some foreign countries where terrorist acts using vehicles are relatively popular, such as the USA, Great Britain, Spain, Israel, Germany, France, and Sweden. Targeted measures that give positive results in prevention are analyzed.

Key words: transport terrorism, Europol, strategy, violent extremism, RAND Corporation, competition, decorative barriers, Centaurs.

КИРИШ

XXI асрнинг 21 йили ортда қолган бўлсада, бутун дунёда терроризмга қарши кураш масаласи долзарблигича қолмоқда. Сўнгги икки йилда содир этилган 13 000 дан ортиқ террорчилик ҳаракатлари оқибатида 20 000 нафардан ортиқ инсон вафот этган. Маълумки, терроризмнинг амалга оширилишида турли тактик усуллар мавжуд. Ўтган давр мобайнида илм-фан ва технологияларнинг ривожланиши ва глобаллашув



жараёнлари кўплаб давлатларнинг барча соҳаларда ўсишига ижобий ҳисса қўшган бўлсада, ўз ўрнида бу жараён террорчилик гуруҳларини куруллантиришдаги янги тактик жиҳатларни ҳам очиб берди.

МУҲОКАМА ВА НАТИЖАЛАР

Ҳозирда террорчилар томонидан террористик ҳаракат содир этилишида қўлланилаётган тактик усуллар жуда оддий бўлиши билан бирга фавқулодда мураккаб ҳисобланмоқда. Жумладан, 2014 йилдан буён ҳозирга қадар террорчилик ҳаракатларини амалга оширишда транспорт воситаларидан фойдаланиш ҳолатлари жуда ҳам кўпайиб кетди. Бу усул камхаржлиги ва террорчилар учун қулайлиги билан турли террорчилик ташкилотари эътиборига тушган.

Статистик маълумотларга кўра 2015 йил бошидан 2017 йилнинг якунига қадар ҳарбий ҳаракатлар олиб борилаётган нобарқарор давлатлардан (Ироқ, Афғонистон, Покистон, Сомали, Сурия, Нигерия) ташқари дунёда жами 77 маротаба (1417 нафар шахс ҳалок бўлган, 3326 нафари яраланган) терактлар амалга оширилган бўлиб, ушбу терактлардан 25 та (32%) ҳолат айнан транспорт воситалари ёрдамида содир этилган. Мазкур 25 та ҳолатда жами 189 (14,1%) нафар шахслар ҳалок бўлиб, 1131 (34%) нафари ярадор бўлган.

Бу усулдаги террорчилик ҳаракатларини олдини олиш учун дунё ҳамжамияти ва кўпалаб ривожланган давлатлар томонидан бир қатор ишлар амалга оширилмоқда.

Хусусан, Европа давлатлари ҳуқуқ-тартибот органлари ўртасида тезкор ҳамкорликда ўзаро маълумот алмашиш учун “Европол” ташкилоти доирасида терроризмга қарши курашишнинг Европа марказида умумевропа давлатлари маълумотлар тизими яратилган. Ушбу маълумотлар тизимда давлатлар, гумонланувчи, айбланувчи, уюшган жиноий гуруҳлар ва террорчилик ташкилотларига алоқадор шахслар бўйича ўзаро маълумотлар алмашади. Таъкидланшича, Европа маълумотлар тизимида 2016 йил ҳолатига 24 та давлатнинг 7800 нафар чет эллик жангари террорчилар ҳақида маълумотлар тўпланган⁵.

Шу қаторда Австрия, Бразилия, Арманистон, Греция, Миср, Эрон, Кипр, Куба, Қирғизистон, Ливия, Македония, Сурия, АҚШ, Польша, Швейцария, Швеция, Венгрия, Финляндия, Хорватия каби бир қатор давлатларда терроризмга қарши кураш бўйича махсус алоҳида қонун ҳужжати қабул қилинмаган. Ушбу давлатларда терроризмга қарши кураш масалалари жиноят қонуни доирасида амалга оширилади⁶.

Ҳозирги кунда айрим мамлакатларида замонавий босқичда транспорт воситалари ёрдамида содир этилаётган террорчилик ҳаракатларининг олдини олишга қаратилган қуйидаги чора-тадбирлар амал оширилмоқда. Хусусан:

⁵ Между красными и зелеными Как Европе бороться с терроризмом <http://lenta.ru>

⁶ Кофанов А.В. Нормативно-правовое обеспечение противодействия терроризму в странах мира: некоторые теоретические и практические аспекты // Криминологический журнал ОГУЭП. – 2008. – №1(3). – С. 34.



АҚШ. Умуман олганда АҚШнинг терроризмга қарши стратегиясида, (2011) терроризмга қарши курашнинг мақсад ва вазифалари аниқ давлатлар ва минтақалар билан боғланган. АҚШнинг аксилтеррорчилик ҳаракатларининг асосий мақсади Ал-Қоида тармоғини, унинг бўлинмалари ва тарафдорларини йўқ қилишдан иборат.

Шунингдек АҚШ айнан транспорт билан боғлиқ амалга оширилиши мумкин бўлган террористик ҳаракатларга қарши курашиш ўрганилганида қуйидагилар маълум бўлди. Жумладан, Нью-Йорк шаҳрида амалга оширилган хужумдан бир ҳафта ўтиб, штатнинг қонунчилик органи сенаторлари томонидан, террорчиларга автомобилларни ижарага олишларини мураккаблаштиришга қаратилган “транспорт воситалари орқали инсонлар ва объектларни уриб юборишни олдини олувчи” қонун лойиҳасини таклиф қилдилар. Лойиҳага кўра, автомобилларни ижарага берувчи компания ходимлари, шубҳали ҳолатлар юзасидан ўз вақтида тезкорлик билан “қайноқ линиялар” орқали ахборот беришини таъминлаш ҳамда ходимларда, инсондаги қандай алоҳида белгилар террорчини оддий шахсдан ажратишда ёрдам бериши бўйича, тегишли тушунчаларни шакллантириш режалаштирилган⁷.

Қонун лойиҳаси ижара компанияларини, АҚШнинг транспорт хавфсизлигини таъминловчи раҳбарий тамойилларига асосланган ҳолда, ўзларини профилактика режаларини ишлаб чиқишга мажбур қилади ва мамлакат хавфсизлигига таҳдид солувчи маълумотларни зудлик билан миллий хавфсизлик агентликларига тақдим қилинишини таъминлайди.

Буюк-Британия. Маълумки терроризм қарши курашиш йўналишида Буюк Британия ҳам катта тажрибага эга ҳисобланади. Хусусан, ушбу давлат терроризм билан боғлиқ жиноятларга қарши курашнинг криминологик тизими унинг ҳуқуқий асослари фақат махсус қонунлар нормаларида ўрнатилиши билан ажралиб туради. Мисол сифатида Буюк Британиянинг терроризмга қарши кураш соҳасидаги қонунчилигида “Contest” қисқартмаси билан маълум бўлган узоқ кедаякка мўлжалланган “олдини олиш”, “жиноий таъқиб этиш”, “ҳимоя” ва “тайёр бўлиш” каби терроризмга қарши тўртта йўналишни ўз ичига олувчи стратегия ишлаб чиқилган. Ушбу тўрт йўналиш, мақсадни ўз ичига олган терроризмга қарши самарали курашиш услуги бутун Европа Иттифоқи бўйлаб кенг қўлланилади⁸.

Буюк Британияда ҳам транспорт воситалари орқали содир этилаётган терактларни олдини олишнинг асосий йўли сифатида тўсиқлар ўрнатилиши маъқулланади. Мутахассисларнинг фикрича тўсиқлар узоқдан кўриниб туриши керак. Хусусан тўсиқлар катта гул туваклари, бетон блоклар ёки “Арсенал” футбол ўйингоҳи ёнидаги каби катта безакли гўп кўринишида бўлиши мумкин дейилади.

⁷ Брайан Майкл Дженкинс: Navigating the Latest Terrorism Trend // <https://www.rand.org/blog/2017/12/navigating-the-latest-terrorism-trend.html>/19.12.2017.

⁸ EU Action Plan on combating terrorism / EU Counter-Terrorism Coordinator. – Brussels, 2011. – January. – [Электронный ресурс]. – Режим доступа : <http://register.consilium.europa.eu/pdf/en/10/st15/st15893-re01.en10.pdf>.



Лондон кўприкларида содир этилган террорчилик ҳаракатларидан сўнг, ушбу ҳолатларни олдини олиш учун, шаҳарнинг Ватерло, Вестминстер ва Ламбет каби учта кўприкларида ҳам автомобиль йўлини пиёдалар йўлаги билан ажратиб турувчи мустаҳкам темир тўсиқлар ўрнатилди.

Шунингдек, Буюк-Британияда транспорт воситаларини ижарага олишни тартибга солишчи янги қонун лойиҳаси тайёрланмоқда Барселонадаги ҳужумлардан кейин Британия транспорт департаменти доимий равишда полиция билан ҳамкорликда иш ташкил қилмоқда. Хусусан, автомобилни ижарага олиш учун келган шахс, автомобилни олишдан аввал, полициянинг терроризм билан боғлиқ рўйхатларидан текширилмоқда. Шу билан бирга, лизинг компаниялари ҳам эҳтимолий жиноий фаолиятга алоқадор ҳолатларни аниқлаш учун огоҳликни оширган⁹.

Франция. Франциянинг Ницца шаҳрида 2016 йилда июль ойида содир этилган терактлардан бир йил ўтиб, 16,5 миллион еврога мўлжалланган терроризмга қарши курашиш лойиҳаси тасдиқланди. Ушбу лойиҳанинг асосий мақсадларидан бири бу туристларни транспорт воситаси ҳужумидан сақлаб қолиш. 2017 йил июнда очилган Ниццадаги “Англия қирғоғи” ҳудуди, 20 тоннагача зарбага дош бера олувчи, таги ерга 2 метр чуқурликда ўрнатилган кучайтирилган тумбалар ҳамда пўлат трослар билан ҳимояланди.

Иккиталик пўлат трослар ва кучайтирилган устунлар, бир миля узоқликдан катта тезликда сонияларда келиб урилувчи юк автомобилларидан ҳам ҳимоялай олади. Франция жанубидаги “Англия қирғоқ”ларига, хавфсизлик идоралари ходимлари томонидан ажратилган маблағлар эвазига “анти-таран” яъни автомобиллар ҳужумига қарши тизим ўрнатилди. Фақатгина рўйхатга киритилган автомобилларгина устунлар ортига ўта олиши мумкин. Рухсат бериш жараёни ҳам фақатгина автомобиль давлат белгиларини, камера визуал текширувдан кейин амалга оширилади.

ХУЛОСА

Хулоса тариқасида айтиш мумкин, бугунги кунда транспорт воситалари ёрдамида амалга оширилаётган ҳужумларнинг янада хавфли тус олаётганлиги, ушбу ҳолатларнинг олдини олиш ва қарши курашишда норматив ҳуқуқий ҳамда ташкилий жиҳатдан барча чора тадбирларни кечиктирилмасдан кўрилиши зарурлигини англатмоқда.

⁹ Защита Европы от атак транспортных средств // <http://www.counterterrorbusiness.com/features/protecting-europe-vehicle-attacks>



REFERECES:

1. Между красными и зелеными Как Европе бороться с терроризмом <http://lenta.ru>.
2. Кофанов А.В. Нормативно-правовое обеспечение противодействия терроризму в странах мира: некоторые теоретические и практические аспекты // Криминологический журнал ОГУЭП. – 2008. – №1(3). – С. 34.
3. Гусев А.В. Зарубежный опыт борьбы с преступлениями в сфере Интернета // www.pravo.by – Национальный центр правовой информации Республики Беларусь.
4. Мельшина К.Ю. Международно-правовые средства борьбы с экстремизмом: Дисс. ... канд. юрид. наук. – М.: РУДН, 2018. – С.161.
5. Брайан Майкл Дженкинс: Navigating the Latest Terrorism Trend // <https://www.rand.org/blog/2017/12/navigating-the-latest-terrorism-trend.html/19.12.2017>.
6. Brian M.J. Vehicular Terrorism: Weighing the Benefits, and Worth, of Prevention. // Веб-сайт – RAND corporation <https://www.rand.org/blog/2017/09/vehicular-terrorism-weighing-the-benefits-and-worth.html>. 03.09.2017;
7. EU Action Plan on combating terrorism / EU Counter-Terrorism Coordinator. – Brussels, 2011. – January. – [Электронный ресурс]. – Режим доступа : <http://register.consilium.europa.eu/pdf/en/10/st15/st15893-re01.en10.pdf>.
8. Защита Европы от атак транспортных средств // <http://www.counterterrorbusiness.com/features/protecting-europe-vehicle-attacks>
9. Серебренникова А.В. Уголовное право Германии. – М.: Юрайт, 2017.
10. Миняева Т.Ф., Серебренникова А.В. Уголовная ответственность за террористическую деятельность в России и Германии // Евразийская адвокатура. – 2017. – 2(27). – С.62-68.
11. Lawrence K.Can technology stop terrorist vehicle ramming attacks?/ // веб-сайт - <https://readwrite.com/2017/09/01/can-technology-stop-terrorist-vehicle-ramming-attacks-t11/09.01.2017>;
12. Если не остановить террористов — в европе начнется восстание «псевдограждан» и гражданская война. // <http://rusvesna.su/news/1503554091.26.08.2017>.
13. Брайан Майкл Дженкинс: Navigating the Latest Terrorism Trend // <https://www.rand.org/blog/2017/12/navigating-the-latest-terrorism-trend.html/19.12.2017>.